



Godina III - Broj 28

Četvrtak, 6. oktobar/listopad 1994.
SARAJEVO

Akontacija pretplate
se utvrđuje
kvartalno

412

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade RBiH, donosi

**UREDBU SA ZAKONSKOM SNAGOM
O IZMJENAMA I DOPUNAMA ZAKONA O
OKRUŽNIM VOJNIM SUDOVIMA**

Član 1.

U Zakonu o okružnim vojnim sudovima ("Službeni list RBiH", br. 12/92, 21/92, 23/92 i 22/93), iza člana 6. dodaju se novi čl. 6a. i 6b., koji glase:

"Član 6a.

Vojnim licem, u smislu ove uredbe, smatraju se: aktivno vojno lice, vojnik, lice u rezervnom sastavu dok se nalazi na vojnoj dužnosti u Armiji, građanin na radu u Armiji i pitomac vojne škole.

Član 6b.

Okružni vojni sudovi sude pripadnicima policije Ministarstva unutrašnjih poslova Republike Bosne i Hercegovine, za krivična djela koja učine za vrijeme izvođenja borbenih djelovanja i u vezi sa tim djelovanjem protiv agresora na osnovu naredbe Predsjedništva Republike Bosne i Hercegovine".

Član 2.

U članu 7. st. 1. i 2. mijenjaju se i glase:

"Okružni vojni sudovi sude civilnim licima za krivična djela predviđena u Krivičnom zakonu ("Službeni list RBiH", broj 2/92) i Zakonu o primjeni Krivičnog zakona Republike Bosne i Hercegovine i Krivičnog zakona ("Službeni list RBiH", br. 6/92, 11/92 i 21/92), i to:

- za djela iz čl. 118, 119. i 121;
- za djelo iz člana 125. ako je upravljeno protiv vojnog objekta;
- za djela iz čl. 126. i 127. ako su u pitanju vojni objekti;
- za djela iz čl. 128. i 129. ako se podaci odnose na odbranu;
- za djelo iz člana 136. ako je upravljeno na vršenje krivičnih djela iz člana 118, člana 119. stav 2, člana 12, člana 125. ako je upravljeno protiv vojnog objekta i čl. 126. i 127. ako su u pitanju vojni objekti;
- za djela iz čl. 201. do 239.

Okružni vojni sudovi sude civilnim licima i za krivična djela protiv imovine iz čl. 147. do 152. i člana 158. kao i za krivična djela protiv službene i druge odgovorne dužnosti iz čl. 226, 227, 228. i 229. Krivičnog zakona Republike Bosne i Hercegovine ("Službeni list SRBiH", br. 16/77, 19/77, 32/84, 19/86, 40/87, 41/87, 33/89, 2/90 i 24/91 i "Službeni list RBiH", br.

16/92 i 21/92), ako je predmet djela dio borbenog sredstva, oružje, municija ili eksploziv koji služe potrebama odbrane".

Član 3.

U članu 9. stav 2. briše se.

Član 4.

U članu 11. stav 1. zarez i riječi: "kao i za krivična djela protiv čovječnosti i međunarodnog prava" brišu se.

Iza stava 1. dodaje se novi stav 2, koji glasi:

"Za krivična djela protiv čovječnosti i međunarodnog prava koja ratni zarobljenici učine prije nego što su zarobljeni za suđenje je nadležan redovan sud".

Dosadašnji stav 2. postaje stav 3.

Član 5.

Član 12. mijenja se i glasi:

"Okružni vojni sudovi ili redovni sudovi odlučuju o krivičnim stvarima za lica koja učestvuju u oružanom sukobu, za koja je odredbama Ženevskih konvencija o zaštiti žrtava oružanih sukoba, od 12. augusta 1949. godine i Dopunskog protokola o zaštiti žrtava međunarodnih oružanih sukoba (Protokol I) i Dopunskog protokola o zaštiti žrtava nemedunarodnih oružanih sukoba (Protokol II), koji su usvojeni 10. jula 1977. godine u Ženevi ("Službeni list RBiH", broj 16/92), predviđena nadležnost suda, zavisno od nadležnosti utvrđene ovom uredbom."

Član 6.

Danom stupanja na snagu ove uredbe okružni vojni sud će ustupiti nadležnom osnovnom odnosno višem sudu krivične predmete u kojima nije podignuta optužnica, za krivična djela koja su ovom uredbom stavljena u nadležnost tog suda.

Ako je nakon stupanja na snagu ove uredbe, prvostepena presuda okružnog vojnog suda ukinuta u krivičnoj stvari koja je ovom uredbom stavljena u nadležnost redovnog suda, drugostepeni sud će predmet ustupiti mjesno nadležnom osnovnom odnosno višem sudu.

Član 7.

Ova uredba štupa na snagu danom objavljivanja u "Službenom listu RBiH".

PR broj 1703/94
5. oktobra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

413

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade RBiH, donosi

UREDBU SA ZAKONSKOM SNAGOM O DOPUNAMA ZAKONA O OKRUŽNOM VOJNOM TUŽILAŠTVU

Član 1.

Okružna vojna tužilaštva će ustupiti mjesno nadležnim osnovnim odnosno višim javnim tužilaštvima krivične predmete za krivična djela koja su Uredbom sa zakonskom snagom o izmjenama i dopunama Zakona o okružnim vojnim sudovima ("Službeni list RBiH", broj 28/94), stavljena u nadležnost osnovnih odnosno viših sudova.

Član 2.

Ova uredba stupa na snagu danom objavljivanja u "Službenom listu RBiH".

PR broj 1704/94
5. oktobra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

414

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade RBiH, donosi

UREDBU SA ZAKONSKOM SNAGOM O DOPUNAMA KRIVIČNOG ZAKONA REPUBLIKE BOSNE I HERCEGOVINE

Član 1.

U Krivičnom zakonu Republike Bosne i Hercegovine ("Službeni list SRBiH", br. 19/77, 32/84, 19/86, 40/87, 41/87, 33/89, 2/90 i 24/91 i "Službeni list RBiH", br. 16/92 i 21/92) iza člana 51. dodaje se naziv krivičnog djela i novi član 51a. koji glasi:

"Sprečavanje povratka raseljenih lica i izbjeglica.

Član 51a.

(1) Ko silom, ozbiljnom prijetnjom ili drugim nedopuštenim sredstvom ili na drugi nedopušteni način spriječi raseljeno lice, izbjeglicu ili drugo lice da se vrati u mjesto stanovanja koje je napustilo u vezi sa ratnim djelovanjima odnosno koje je prije tih djelovanja bilo zatečeno izvan mjesta stanovanja, ili da koristi svoju imovinu,

kaznit će se zatvorom od jedne do deset godina.

(2) Ko učestvuje u skupini ljudi koja zajedničkim djelovanjem učini djelo iz stava 1. ovog člana,

kaznit će se zatvorom najmanje tri godine.

(3) Kolovoda skupine ljudi koja izvrši djelo iz stava 1. ovog člana,

kaznit će se zatvorom najmanje pet godina.

(4) Raseljenim licem, u smislu ove uredbe, smatra se lice koje je sa okupiranog dijela Republike Bosne i Hercegovine samostalno ili organizirano, pod prisilom agresora ili da bi izbjeglo neposredna ratna ili genocidna djelovanja agresora ili druga ratna djelovanja, izbjeglo na slobodnu teritoriju Republike Bosne i Hercegovine.

(5) Izbjeglicom, u smislu ove uredbe, smatra se lice koje je zbog razloga iz stava 4. ovog člana i bojeći se opravdano da će biti progonjeno zbog svoje rase, vjere, nacionalnosti, pripadnosti nekoj socijalnoj grupi ili svog političkog mišljenja izbjeglo na teritoriju druge države.

Član 2.

Ova uredba stupa na snagu osmog dana od dana objavljivanja u "Službenom listu RBiH".

PR broj 1705/94
5. oktobra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

415

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade RBiH, donosi

UREDBU SA ZAKONSKOM SNAGOM O IZMJENAMA ZAKONA O PRIMJENI KRIVIČNOG ZAKONA REPUBLIKE BOSNE I HERCEGOVINE I KRIVIČNOG ZAKONA

Član 1.

U Zakonu o primjeni Krivičnog zakona Republike Bosne i Hercegovine i Krivičnog zakona ("Službeni list RBiH", br. 6/92, 11/92 i 21/92), u članu 6b. u stavu 10. u uvodnom tekstu riječi: "ili smrtnom kaznom" brišu se.

Član 2.

U članu 7. stav 2. briše se.

Član 3.

Ova uredba stupa na snagu osmog dana od dana objavljivanja u "Službenom listu RBiH".

PR broj 1706/94
5. oktobra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

416

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade RBiH, donosi

UREDBU SA ZAKONSKOM SNAGOM O USKLADIVANJU NOVČANIH KAZNI I DRUGIH NOVČANIH IZNOSA

Član 1.

Pri izricanju novčane kazne i utvrđivanju drugih novčanih iznosa državni organi će, u primjeni propisa navedenih u ovoj uredbi, polaziti od odnosa visine novčanih kazni i drugih novčanih iznosa utvrđenih u Zakonu o povećanju novčanih kazni i drugih novčanih iznosa ("Službeni list RBiH", broj 6/94) i srednjeg kursa DEM koji utvrđuje i objavljuje Narodna banka Bosne i Hercegovine.

Ukoliko se nakon stupanja na snagu ove uredbe promijeni odnos iz stava 1. ovog člana, državni organi izricat će novčane kazne i utvrđivati druge novčane iznose u dinarima prema srednjem kursu DEM koji utvrđuje i objavljuje Narodna banka Bosne i Hercegovine.

Član 2.

Državni organi postupat će na način predviđen u članu 1. ove uredbe kad primjenjuju:

1. Krivični zakon ("Službeni list RBiH", br. 2/92, 10/92 i 16/92);

2. Krivični zakon Republike Bosne i Hercegovine ("Službeni list SRBiH", br. 19/77, 32/84, 19/86, 40/87, 41/87, 33/89, 1/90 i 24/91 i "Službeni list RBiH", br. 16/92 i 21/92) i druge zakone u kojima su propisana krivična djela;

3. Zakon o krivičnom postupku ("Službeni list RBiH", br. 2/92, 9/92 i 16/92);

4. Zakon o primjeni Krivičnog zakona Republike Bosne i Hercegovine i Krivičnog zakona ("Službeni list RBiH", br. 6/92, 11/92 i 21/92);

5. Zakon o privrednim prestupima ("Službeni list RBiH", br. 2/92, 16/92 i 19/93) i druge zakone i druge propise u kojima su predviđeni privredni prestupi;

6. Zakon o prekršajima ("Službeni list SRBiH", br. 19/81, 9/86, 42/87, 33/89, 2/90 i 22/91 i "Službeni list RBiH", broj

16/92) i druge zakone i republičke propise u kojima su predviđeni prekršaji;

7. Zakon o parničnom postupku ("Službeni list RBiH", br. 2/92 i 16/92);

8. Zakon o primjenjivanju Zakona o parničnom postupku ("Službeni list RBiH", broj 6/92);

9. Zakon o izvršnom postupku ("Službeni list RBiH", br. 2/92 i 16/93) i

10. Zakon o opštem upravnom postupku ("Službeni list RBiH", br. 2/92 i 16/92).

Član 3.

Uračunavanje pritvora i drugih lišenja slobode u vezi sa krivičnim djelom u novčanu kaznu po pravosnažno donesenim presudama do promjene visine novčane kazne vršit će se prema iznosima novčane kazne koji su važili u vrijeme tog uračunavanja.

Zamjenjivanje novčane kazne zatvorom po pravosnažno donesenim presudama do promjene visine novčane kazne vršit će se prema iznosima novčane kazne koji su važili u vrijeme donošenja presude.

Član 4.

U postupku po zahtjevu za sudsku zaštitu podnesenom do promjene visine novčane kazne i drugih novčanih iznosa primjenjivat će se pravila prekršajnog postupka koja su važila u vrijeme donošenja rješenja o prekršaju.

Rješenje o prekršaju koje je postalo pravosnažno prije nastupanja promjene visine novčane kazne i drugih novčanih iznosa izvršit će se prema pravilima prekršajnog postupka koja su važila u vrijeme donošenja rješenja o prekršaju.

Član 5.

Ako je prije nastupanja promjene visine novčane kazne i drugih novčanih iznosa donesena prvostepena presuda ili rješenje kojim je parnični postupak pred prvostepenim sudom okončan, dalji postupak provešće se prema pravilima parničnog postupka koja su važila u vrijeme donošenja prvostepene presude, odnosno rješenja.

Ako prvostepena odluka iz stava 1. ovog člana bude ukinuta nakon nastupanja promjene visine novčane kazne i drugih novčanih iznosa, dalji postupak provešće se prema pravilima parničnog postupka koja su važila nakon nastupanja ove promjene.

O reviziji izjavljenoj protiv pravosnažne odluke drugostepenog suda u postupku koji je pokrenut prije nastupanja promjene visine novčane kazne i drugih novčanih iznosa rješavat će se prema pravilima parničnog postupka koja su važila u vrijeme donošenja prvostepene odluke.

Član 6.

Ova uredba stupa na snagu osmog dana od dana objavljivanja u "Službenom listu RBiH".

PR broj 1707/94

Predsjednik

5. oktobra 1994. godine

Predsjedništva RBiH,
Alija Izetbegović, s. r.

417

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", broj 6/92) i člana 48. Poslovnika Predsjedništva Republike Bosne i Hercegovine, na sjednici od 4. oktobra 1994. godine, donijelo

ODLUKU

O ABOLICIJI PO SLUŽBENOJ DUŽNOSTI

I

Oslobada se od daljeg krivičnog postupka u cilju razmjene za lica zarobljena od strane agresora:

1. JANKOVIĆ DRAGO
2. NIKOLIĆ DRAGAN
3. NOVAKOVIĆ BOJAN

4. RACA BRANKO
5. BOŠNJAK JOVAN
6. MARIĆ RODOLJUB
7. MIHAJLOVIĆ VELIMIR
8. MARIĆ RANKO
9. LALIĆ JOVO
10. VUKOVIĆ MILOVAN

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-248-683/94
4. oktobra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

418

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", broj 6/92) i člana 48. Poslovnika Predsjedništva Republike Bosne i Hercegovine, na sjednici od 4. oktobra 1994. godine, donijelo

ODLUKU

O POMILOVANJU PO SLUŽBENOJ DUŽNOSTI

I

Oslobadaju se od daljeg izvršenja kazne zatvora, u cilju razmjene za lica zarobljena od strane agresora:

1. ŠIBALIJA LJUBOMIR
2. PETROVIĆ VELJKO
3. ŠIBALIJA SLAVKO
4. RAKANOVIĆ MILOŠ
5. OBRADOVIĆ BOŽIDAR
6. PETROVIĆ DUŠKO
7. PURETA NINOSLAV
8. RAŠIĆ DUŠKO
9. ŠOJA DRAGO
10. STANIĆ DUŠAN
11. TODOROVIĆ NEDELJKO
12. MUŠIĆ PETAR
13. MOČEVIĆ ŽIVKO
14. MIODRAG SLAVIŠA
15. FILIPOVIĆ VELJKO
16. DOREM BOŽO
17. BOGDANOVIĆ VUKO
18. BULJEVIĆ DUŠKO
19. BAJOVIĆ JASENKO
20. ČANGALOVIĆ VOJISLAV
21. BOŽIĆ KONSTANTIN
22. DOMAZET SAVO
23. OBRADOVIĆ SAŠA
24. LALOVIĆ VELIBOR

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-248-684/94
4. oktobra 1994. godine
Sarajevo

Predsjednik
Predsjedništva RBiH,
Alija Izetbegović, s. r.

419

Na osnovu člana 2. Zakona o pomilovanju ("Službeni list SRBiH", broj 17/77 i "Službeni list RBiH", broj 6/92), a u vezi sa članom 48. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 5. oktobra 1994. godine, donijelo je

ODLUKU**O POMOLOVANJU OSUĐENIH LICA**

I

Djelimično se oslobađa kazne zatvora:

1. DOREM (MILIVOJA) BOŽO

Oslobađa se od izvršenja kazne zatvora:

1. TERZIĆ (FERIDA) NERMIN.

II

Ova odluka stupa na snagu danom donošenja i objavit će se u "Službenom listu RBiH".

Broj 02-248-688/94

5. oktobra 1994. godine

Sarajevo

Predsjednik

Predsjedništva RBiH,

Alija Izetbegović, s. r.

420

Na osnovu člana 34. stav 1. Zakona o Vladi Republike Bosne i Hercegovine ("Službeni list RBiH", broj 13/94), Vlada Republike Bosne i Hercegovine, donosi

UREDBU**O PRESTANKU PRIMJENE ČL. 2. I 4. UREDBE O NAČINU FORMIRANJA CIJENA ODREĐENIH PROIZVODA I USLUGA**I^a

Odredbe čl. 2. i 4. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92 i "Službeni list RBiH", broj 1/92), prestaju da se primjenjuju.

II

Ova uredba stupa na snagu danom objavljivanja u "Službenom listu RBiH".

V broj 153/94

17. septembra 1994. godine

Sarajevo

Predsjednik

Vlade RBiH,

dr Haris Silajdžić, s. r.

421

Na osnovu člana 48. stav 3. Zakona o odbrani ("Službeni list RBiH", br. 4/92, 9/92, 12/92, 11/93, 17/93 i 6/94), Vlada Republike Bosne i Hercegovine, donosi

UREDBU**O DOPUNI UREDBE O RADNOJ OBAVEZI**

Član 1.

U Uredbi o radnoj obavezi ("Službeni list RBiH", broj 19/92) iza člana 14. dodaje se novi član 14a, koji glasi:

"Član 14a.

Izuzetno od odredbe člana 14. ove uredbe kada se radi o popuni ustanova iz oblasti zdravstva, odnosno obrazovanja koje se ne mogu popuniti odgovarajućim zdravstvenim, odnosno prosvjetnim radnicima sa područja opštine, već se popuna mora vršiti tim radnicima iz zdravstvenih, odnosno obrazovnih ustanova sa područja druge opštine, određivanje odnosno promjenu ratnog rasporeda tim radnicima vrši nadležni ministar rješenjem kojim se ovi radnici privremeno u skladu sa zakonom raspoređuju na rad u određenu ustanovu, radi obezbjeđenja normalnog rada i funkcionisanja tih ustanova. Ministar donosi rješenje na zahtjev ustanove u oblasti zdravstva odnosno obrazovanja koja iskaže potrebu za određenim kadrom.

Rješenje iz stava 1. ovog člana dostavlja se i Opštinskom sekretarijatu, koji dotično lice vodi u evidenciji vojnih obveznika, radi znanja."

Član 2.

Ova uredba stupa na snagu danom objavljivanja u "Službenom listu RBiH".

V broj 163/94

5. oktobra 1994. godine

Sarajevo

Predsjednik

Vlade RBiH,

dr Haris Silajdžić, s. r.

422

Na osnovu člana 8. stav 1. Zakona o kontroli cijena ("Službeni list RBiH", br. 10/94 i 13/94) i tačke II Odluke o mjerama neposredne kontrole cijena određenih proizvoda i usluga od interesa za Republiku Bosnu i Hercegovinu ("Službeni list RBiH", 28/94), Vlada Republike Bosne i Hercegovine, donosi

ODLUKU**O FORMIRANJU MALOPRODAJNIH CIJENA CIGARETA I DUHANSKIH PRERAĐEVINA U PROMETU NA MALO**

I

1. Najviše maloprodajne cijene ekstra cigareta pakovanje od 20 komada za čiju proizvodnju se ne primjenjuju propisi o standardima iznosi, i to za:

DM

Bosna

1,25

2. Najviše maloprodajne cijene cigareta za čiju proizvodnju se primjenjuju propisi o standardima iznose, i to za:

I Kvalitetna grupa za pakovanje od 20 kom. cigareta

DM

Drina 100 mm, Wind, Sedef, Bela, Trend

1,60

II Kvalitetna grupa

Sarajevo, Drina ovalna, klasična (bez filtera)

1,00

Drina filter, Colorado

III Kvalitetna grupa

Ars, Safari

0,80

II

Za rezani duhan urađen po propisima o standardima najviše cijene u maloprodaji iznose, i to za:

I Kvalitetnu grupu

- rezani duhan 250 gr.

9,60

- rezani duhan 1.000 gr.

38,40

III

Za licence cigareta na čiju proizvodnju se ne primjenjuju propisi o standardima najviše maloprodajne cijene za pakovanje od 20 komada cigareta iznose, i to za:

DM

- Marlboro

3,00

- Bond

2,00

IV

U cijeni iz tač. I, II i III ove odluke uključen je porez na promet i učešće za pokriće troškova prometa od 7%.

V

Cijene cigareta iz uvoza mogu u maloprodaji za pakovanje od 20 komada da iznose najviše, i to za:

DM

Kingston-expres

1,20

Opatija filter, York, Kolumbo, Corona,

1,35

Astral, Korona

1,40

Dorset soft, Benston soft

1,50

Kingston, F-160 soft

1,70

Filter 57, Partner, Rodeo, MT/R, Set

Benston gold, F-160 Box, F-160 light,	
Benston Box Croatia, Ronhill Blue, Ronhill	
Red 21, Walter Wolf, Dorset, Dorset hard,	
Dorset mentol, Boss Soft TZV, Ronhill light,	
Hercegovina	1,75
Lord, HB	2,00
Zagreb Exclusive, Ronhill Prestige, Walter	
Wolf export	2,15
Milde sorte Box-TDR	2,45
Boss box - TVZ	3,35
Chesterfield, West, Milde Sorte box, Kim mentol	
Kim super light, HB box, Gauloises B1-TVZ	3,65
West 100 S, Maratti, Milde Sorte 100 S	4,05
Marlboro box, Marlboro box light, Winston	
box, Camel box, More	4,30
Marlboro box 100 S, Marlboro light 100 S,	
Winston 100 S, Camel 100 S, Salem, Yves	
Soint Loren, Ernte 23, Rothmans	4,60
Trussardi no. 1	4,85
Dunhill	5,00
Trussardi de Luxe	5,25

VI

U cijeni iz tačke V ove odluke uključena je carina, porez na promet i učešće za pokriće troškova prometa od 7%.

VII

Ako se proizvodi iz ove odluke prodaju za dinare maloprodajna cijena se utvrđuje na osnovu srednjeg kursa dinara, koji određuje i objavljuje Narodna banka Bosne i Hercegovine.

VIII

Ova odluka objavljena je na oglasnoj tabli Vlade RBiH dana 17. septembra 1994. godine kada je i stupila na snagu, a objavit će se i u "Službenom listu RBiH".

V broj 152/94 Predsjednik
17. septembra 1994. godine Vlade RBiH,
Sarajevo dr Haris Silajdžić, s. r.

423

Na osnovu člana 4. Zakona o kontroli cijena ("Službeni list RBiH", br. 10/94 i 13/94), Vlada Republike Bosne i Hercegovine, donosi

ODLUKU

O ZAŠTITNIM CIJENAMA NEKIH
POLJOPRIVREDNIH PROIZVODA RODA 1994.
GODINE

I

Ovom odlukom utvrđuju se zaštitne cijene za slijedeće poljoprivredne proizvode:

	DM za 1 kilogram
- šljivu	0,10
- jabuku	0,15
- krušku	0,20
- kupinu	0,60

II

Cijene iz tačke I ove odluke su najniže cijene ispod kojih se od poljoprivrednih proizvođača ne mogu kupovati navedeni proizvodi.

III

Pri vršenju otkupa poljoprivrednih proizvoda, prema odredbama ove odluke, primjenjivat će se važeći propisi o kvalitetu, kontroli, preuzimanju i stavljanju u promet poljoprivredno-prehrambenih proizvoda.

IV

U skladu sa odredbama ove odluke preduzeća koja vrše otkup utvrdit će ugovorom vrstu proizvoda, cijenu, količinu, vrijeme i način isplate kupljenih proizvoda sa poljoprivrednim proizvođačima.

V

Nadzor nad sprovođenjem ove odluke vršit će organi uprave nadležni za poslove tržišne i poljoprivredne inspekcije.

VI

Ova odluka stupa na snagu danom objavljivanja u "Službenom listu RBiH".

V broj 154/94
17. septembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

424

Na osnovu člana 8. stav 1. Zakona o kontroli cijena ("Službeni list RBiH", br. 10/94 i 13/94), Vlada Republike Bosne i Hercegovine, donosi

ODLUKU

O MJERAMA NEPOSREDNE KONTROLE CIJENA
ODREĐENIH PROIZVODA I USLUGA OD INTERESA
ZA REPUBLIKU BOSNU I HERCEGOVINU

I

Ovom odlukom propisuju se mjere neposredne kontrole cijena za određene proizvode i usluge od interesa za Republiku Bosnu i Hercegovinu.

II

Najviši nivo cijena odnosno najviše cijene u proizvodnji, preradi i prometu za: derivate nafte (motorni benzin, dizel gorivo, lož ulje i mazut) i proizvode prerade duhana (cigarete sve vrste i rezani duhan) odlukom propisuje Vlada Republike Bosne i Hercegovine (u daljem tekstu: Vlada).

III

Cijene odnosno tarife za prodaju električne energije, uglja za termoelektrane, zemnog gasa, usluga u unutrašnjem poštanskom, telegrafskom i telefonskom saobraćaju (pisma i dopisnice, telefonski impuls, telegrafski impuls, telegram riječ i pretplata za telefon - I kategorija pretplatnika), radio i televizijska pretplata, prevoz putnika u željezničkom saobraćaju i obavezno osiguranje motornih vozila, mogu se mijenjati samo na osnovu saglasnosti Vlade.

IV

Zahtjev za promjenu cijena, preduzeća i druga pravna i fizička lica podnose Vladi sa odgovarajućom dokumentacijom, putem Ministarstva trgovine.

V

Ova odluka stupa na snagu danom objavljivanja u "Službenom listu RBiH".

V broj 155/94
17. septembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

425

Na osnovu člana 8. u vezi sa članom 28. stav 4. Zakona o primjeni zakona o finansiranju općih društvenih potreba ("Službeni list RBiH", br. 11/92, 3/93, 8/93, 27/93 i 13/94), Vlada Republike Bosne i Hercegovine, donosi

ODLUKU

O DEVIZNIM SREDSTVIMA OPĆINAMA I GRADU
SARAJEVU ZA PERIOD
JULI-SEPTEMBAR/SRPANJ-RUJAN 1994. GODINE

I

Devizna sredstva općinama i gradu Sarajevu za period juli-septembar/srpanj-rujan 1994. godine iskazuju se u njemačkim markama a obezbjeđuju se u iznosu od 5.000.000, i to:

	DEM
1. Banovići	100.000
2. Bihać	250.000

3. Breza	50.000
4. Bugojno	30.000
5. Cazin	200.000
6. Derventa	50.000
7. Doboj	100.000
8. Donji Vakuf	50.000
9. Fojnica	50.000
10. Gornji Vakuf	100.000
11. Gračanica	30.000
12. Gradačac	50.000
13. Jablanica	50.000
14. Kakanj	20.000
15. Kalesija	40.000
16. Kiseljak	50.000
17. Kladanj	50.000
18. Konjic	50.000
19. Lukavac	20.000
20. Maglaj	100.000
21. Mostar	500.000
22. Novi Travnik	50.000
23. Olovo	50.000
24. Prozor	40.000
25. Teslić	50.000
26. Tešanj	250.000
27. Travnik	300.000
28. Tuzla	100.000
29. Vareš	50.000
30. Velika Kladuša	200.000
31. Vitez	50.000
32. Zavidovići	50.000
33. Zenica	100.000
34. Žepče	30.000
35. Žepa	90.000
36. Grad Sarajevo	1.650.000

II

Sredstva iz ove odluke općine i grad Sarajevo koristit će isključivo za finansiranje općih društvenih potreba utvrđenih u Zakonu o primjeni Zakona o finansiranju općih društvenih potreba ("Službeni list RBiH", br. 11/92, 3/93, 8/93, 19/93, 27/93 i 13/94).

III

Grad Sarajevo izvršit će raspodjelu deviznih sredstava za deset gradskih općina.

IV

Ova odluka stupà na snagu danom objavljivanja u "Službenom listu RBiH".

V broj 156/94 Predsjednik
17. septembra 1994. godine Vlade RBiH,
Sarajevo dr Haris Silajdžić, s. r.

426

Na osnovu člana 8. Zakona o primjeni zakona o finansiranju općih društvenih potreba ("Službeni list RBiH", br. 11/92, 3/93, 8/93, 19/93, 27/93 i 13/94), Vlada Republike Bosne i Hercegovine, donosi

ODLUKU

O DOPUNSKIM SREDSTVIMA OPĆINAMA
I GRADU SARAJEVU ZA PERIOD
JULI-SEPTEMBAR/SRPANJ-RUJAN
1994. GODINE

I

Općini i gradu Sarajevu, koji za vrijeme ratnog stanja ne mogu finansirati opće društvene potrebe, kao i općini čiji su organi izmješteni sa privremeno okupiranog područja, Republika Bosna i Hercegovina (u daljem tekstu: Republika) obezbjeđuje dopunska sredstva.

II

Dopunska sredstva za period juli-septembar/srpanj-rujan 1994. godine obezbjeđuju se u iznosu od 40.000.000 dinara, i to:

A. Općine sa teritorije Republike pod kontrolom legalnih organa vlasti Republike, i to:

1) sa kojima je uspostavljen platni promet:

1. Banovići	- dinara -
2. Breza	80.000
3. Bugojno	42.000
4. Donji Vakuf	116.000
5. Gornji Vakuf	47.000
6. Gradačac	48.000
7. Kakanj	95.000
8. Kalesija	40.000
9. Kladanj	79.000
10. Lukavac	63.000
11. Maglaj	157.000
12. Srebrenik	215.000
13. Tešanj	80.000
14. Travnik	157.000
15. Tuzla	615.000
16. Visoko	5.880.000
17. Zavidovići	755.000
18. Zenica	139.000
19. Žepče	4.450.000
20. Živinice	84.000
21. Grad Sarajevo	144.000
2) sa kojima nije uspostavljen platni promet:	19.307.000

2) sa kojima nije uspostavljen platni promet:

	- dinara -
1. Bihać	375.000
2. Cazin	66.000
3. Fojnica	45.000
4. Gračanica	95.000
5. Kiseljak	47.000
6. Gorazde	165.000
7. Novi Travnik	95.000
8. Olovo	201.000
9. Vitez	47.000

B. Općine sa teritorije Republike pod kontrolom legalnih organa vlasti Republike, koje su donijele odluke o obrazovanju ratnog predsjedništva skupštine općine, koje je Predsjedništvo Republike Bosne i Hercegovine verifikovalo, i to:

1) sa kojima je uspostavljen platni promet:

7) sa kojima je uspostavljen pravi odnos	- dinara -
1. Banja Luka	58.000
2. Bijeljina	69.000
3. Bileća	30.000
4. Bosanski Novi	60.000
5. Bratunac	50.000
6. Busovača	47.000
7. Čajniče	58.000
8. Doboj	48.000
9. Foča	39.000
10. Gacko	23.000
11. Han Pijesak	30.000
12. Jajce	47.000
13. Kalinovik	23.000
14. Ključ	39.000
15. Kreševo	30.000
16. Kotor Varoš	36.000
17. Mrkonjić Grad	110.000
18. Nevesinje	25.000
19. Prijedor	45.000
20. Rogatica	94.000
21. Rudo	23.000
22. Sanski Most	50.000
23. Skender Vakuf	41.000
24. Sokolac	24.000

- dinara -

3.815.000

IV

V

V broj 157/94
17. septembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

ODLUKU

I

II

V broj 162/94

Predsjednik
Vlade RBiH,
dr Haris Silajdžić, s. r.

ODLUKU

I

II

Predsjednik
Vlade RBiH,
dr Haris Silajdžić, s. r.

ODLUKU

I

II

Predsjednik
Vlade RBiH,
dr Haris Silajdžić, s. r.

RJEŠENJE

1. Banja Luka	30.000
2. Bosanska Krupa	55.000
3. Bratunac	1.000
4. Čelić	100.000
5. Goražde	350.000
6. Jajce	3.000
7. Ključ	7.000
8. Kotor Varoš	20.000
9. Kreševo	30.000

10. Mrkonjić grad	14.000
11. Srebrenica	250.000
12. Srebrenik	30.000
13. Visoko	30.000
14. Zvornik	50.000
15. Živinice	30.000

3. Sredstva iz ovog rješenja općine će koristiti isključivo za finansiranje općih društvenih potreba utvrđenih u Zakonu o primjeni Zakona o finansiranju općih društvenih potreba ("Službeni list RBiH", br. 11/92, 3/93, 8/93, 19/93, 27/93 i 13/94).

4. Ovo rješenje objaviti u "Službenom listu RBiH".

V broj 166/94

Predsjednik

5. oktobra 1994. godine

Vlade RBiH,

Sarajevo

dr Haris Silajdžić, s. r.

431

Na osnovu člana 2. stav 3. Uredbe sa zakonskom snagom o platama i drugim ličnim primanjima radnika za vrijeme ratnog stanja ili u slučaju neposredne ratne opasnosti ("Službeni list RBiH", broj 5/93), Vlada Republike Bosne i Hercegovine, donosi

SAOPŠTENJE

O VISINI PLATA ZA MJESEC AUGUST/KOLOVOZ 1994. GODINE

Najniža plata za august/kolovoz 1994. godine iznosi 239 BHD.

Broj 011-1344/94

Sekretar

4. septembra 1994. godine

Vlade RBiH,

Sarajevo

Safet Pašić, s. r.

Narodna banka Bosne i Hercegovine

Na osnovu člana 152e. Zakona o Službi društvenog knjigovodstva ("Službeni list RBiH", br. 2/92, 10/94 i 13/94) i člana

7. stav 4. Uredbe sa zakonskom snagom o uslovima pod kojima se prava i obaveze i poslovi u zemlji mogu izvršavati i izražavati u stranim sredstvima plaćanja ("Službeni list RBiH", broj 16/94), guverner Narodne banke Bosne i Hercegovine i generalni direktor Službe društvenog knjigovodstva Bosne i Hercegovine, donose

UPUTSTVO

O IZMJENAMA I DOPUNAMA UPUTSTVA O NAČINU I POSTUPKU IZVRŠAVANJA DOMAĆEG PLATNOG PROMETA U STRANIM SREDSTVIMA PLAĆANJA

U Uputstvu o načinu i postupku izvršavanja domaćeg platnog prometa u stranim sredstvima plaćanja ("Službeni list RBiH", broj 16/94), vrše se slijedeće dopune i izmjene:

1. U tački 4. stav 1. pod 2) dodaje se novi tekst koji glasi:

"Nalog za obračun - Obrazac broj 42 SDK

Nalog za prenos sa računa-akreditiva - Obrazac broj 44 SDK

Akceptni nalog - Obrazac broj 46 SDK

Nalog za otvaranje akreditiva - Obrazac broj 83 SDK

Akreditiv Obrazac broj 84 SDK

Akceptni nalog se može koristiti samo u slučaju ako su povjerilac i dužnik u okviru iste filijale.

U istoj tački u zadnjem stavu iznos od "50" zamjenjuje se iznosom od "500.-".

2. Ovo uputstvo stupa na snagu narednog dana od dana objavljivanja u "Službenom listu RBiH".

Broj NB BiH 01-1016/94

Guverner

Broj SDK BiH 1-1537

Narodne banke BiH,

21. septembra 1994. godine

Kasim Omićević, s. r.

Sarajevo

Generalni direktor

Službe društvenog knjigovodstva,

Safet Proho, s. r.

S A D R Ž A J

412 Uredba sa zakonskom snagom o izmjenama i dopunama Zakona o okružnim vojnim sudovima	455	424 Odluka o mjerama neposredne kontrole cijena određenih proizvoda i usluga od interesa za Republiku Bosnu i Hercegovinu	459
413 Uredba sa zakonskom snagom o dopunama Zakona o okružnom vojnom tužilaštvu	455	425 Odluka o deviznim sredstvima općinama i gradu Sarajevu za period juli-septembar/srpanj-rujan 1994. godine	459
414 Uredba sa zakonskom snagom o dopunama Krivičnog zakona Republike Bosne i Hercegovine	456	426 Odluka o dopunskim sredstvima općinama i gradu Sarajevu za period juli-septembar/srpanj-rujan 1994. godine	460
415 Uredba sa zakonskom snagom o izmjenama Zakona o primjeni Krivičnog zakona Republike Bosne i Hercegovine i Krivičnog zakona	456	427 Odluka o prestanku važenja Odluke o visini takse za držanje pasa	461
416 Uredba sa zakonskom snagom o uskladjivanju novčanih kazni i drugih novčanih iznosa	456	428 Odluka o prestanku važenja Odluke o visini i načinu naplate naknade za veterinarsko-sanitarne preglede	461
417 Odluka o aboliciji po službenoj dužnosti	457	429 Odluka o prestanku važenja Odluke o visini takse za uvjerenje o zdravstvenom stanju životinja	461
418 Odluka o pomilovanju po službenoj dužnosti	457	430 Rješenje o rasporedu deviznih sredstava općinama iz tekuće devizne rezerve za period juli-septembar/srpanj-rujan 1994. godine	461
419 Odluka o pomilovanju osuđenih lica	458	431 Saopštenje o visini plata za mjesec august/kolovoz 1994. godine	462
420 Uredba o prestanku primjene čl. 2. i 4. Uredbe o načinu formiranja cijena određenih proizvoda i usluga	458	NARODNA BANKA BOSNE I HERCEGOVINE	
421 Uredba o dopuni Uredbe o radnoj obavezi	458	Uputstvo o izmjenama i dopunama Uputstva o načinu i postupku izvršavanja domaćeg platnog prometa u stranim sredstvima plaćanja	462
422 Odluka o formiranju maloprodajnih cijena cigareta i duhanskih preradevina u prometu na malo	458		
423 Odluka o zaštitnim cijenama nekih poljoprivrednih proizvoda roda 1994. godine	459		